

მარტვილი

მარტვილი გამოდის 1995 წლის მარტიდან №5, 28 მაისი, 2025 წელი

26 მაისს მთელი ქვეყნის მასშტაბით საგეიმოდ აღინიშნა საქართველოს დამოუკიდებლობის აღდგენის, ქვეყნის პირველი პრეზიდენტის ზვიად გამსახურდიას არჩევისა და ქართველთა ეროვნული გმირის - მერაბ კოსტავას დაბადების დღე!



ვასენოთ ჩვენი ტაძარი ქვასზე,
ბნელში მსხდომთ კვლავაც ავუნთოთ კვარი
და მიგვიძლოდეს ეკლიან გზასზე
წმინდა გიორგი და ნინოს ჯვარი.
ზვიად გამსახურდია

წილხვედრ მამულს თუ ვუმზერდე ავად,
მასშინ ნამუსის ქუდი გავთულო,
ჩემი სამშობლო ზეცაა თავად,
შემდეგ ეს მიწა და საქართველო.
მერაბ კოსტავა

26 მაისს მარტვილში სხვადასხვა საზეიმოდ და შემეცნებითი ღონისძიებები გაიმართა



დამოუკიდებლობის დღე, მარტვილის მუნიციპალიტეტში, მთელი დღის განმავლობაში სხვადასხვა სახის საზეიმო და შემეცნებითი ღონისძიებებით აღინიშნა.

დღის განმავლობაში გაიმართა სხვადასხვა სპორტული და კულტურული აქტივობები ქალაქის ცენტრში, სპორტულ მოედნებზე და ქუჩებში. მოენწყო ადგილობრივი გასტრონომიული ნაწარმის და ხელნაკეთი ნივთების გამოფენა-გაყიდვა. საფეხბურთო აკადემიის ბაზაზე გაიმართა მოზარდ სპორტსმენთა ფესტივალი, რომელშიც მონაწილე ბავშვები დაჯილდოვდნენ სიგელებით.

ქალაქის ცენტრში, მარტვილის მუნიციპალიტეტის სკოლის შემოქმედებითი ჯგუფების მონაწილეობით საზეიმო კონცერტი გაიმართა.

დღის განმავლობაში გამართული ღონისძიებები, ადგილობრივი ქორეოგრაფიული ანსამბლების მონაწილეობით, საზეიმო კონცერტით დასრულდა.



შეხვედრა სალხინოს მოსახლეობასთან

მარტვილის მუნიციპალიტეტის მერი თორნიკე ჯანაშია, მოადგილე გივი ელიავასა და საკრებულოს თავმჯდომარის მოადგილე კობა დარჯანიასთან ერთად სალხინოს ადმინისტრაციული ერთეულის მოსახლეობას შეხვდა.

ადგილობრივებმა მერთან არსებული პრობლემები და საჭიროებები დააფიქსირეს, მათ შორის ერთ-ერთი მთავარი საკითხი გზის სარეაბილიტაციო სამუშაოებს შეეხებოდა.

მერმა ადგილობრივებს განხორციელებულ, მიმდინარე და დაგეგმილ პროგრამებზე ინფორმაცია მიაწოდა. თორნიკე ჯანაშიას განმარტებით, ცენტრალურ ხელისუფლებასთან ერთად კოორდინაციით, სოფელში არსებული საჭიროებები ეტაპობრივად მოგვარდება.

მერი მსგავსი სახის შეხვედრებს სხვადასხვა ადმინისტრაციულ ერთეულში მართავს, რათა მოსახლეობის საჭიროებებს გაეცნოს.



გამოფენა მარტვილის მუზეუმში

მარტვილის მხარეთმცოდნეობის მუზეუმში ცნობილი ქართველი მხატვრებისა და ადგილობრივი ხელოვნების ნამუშევრების გამოფენა გაიმართა.

გამოფენაზე წარმოდგენილი იყო ლადო გუდიაშვილის, ელენე ახვლედიანის, რეზო სტურუას, მარინა დანელიას, სევერიან მასიაშვილის და ვანო ჯაფარიძის ნამუშევრები.

გამოფენა 26 მაისს, 20:00 საათზე დაიხურება.

არ გამოტოვოთ შესაძლებლობა, დაათვალიეროთ ქართული სახვითი ხელოვნების



ბის გამორჩეული ნამუშევრები და კიდევ ერთხელ აღმოაჩინოთ ჩვენი კულტურული მემკვიდრეობა!

ჯანსაღი სხოპრების წესი მიზანდასახულობის ერთ-ერთი პრიორიტეტი



ცხოვრების ჯანსაღი წესის არჩევა მიზანდასახულობის ერთ-ერთი ძირითადი პრიორიტეტი. რაოდენ დიდი სიხარულია, როცა სკოლის აღსაზრდელი სანიმუშო და მოტივირებულია. დასახული იდეების შესაბამის შედეგს აღწევს.

სკოლა, რომლის კედლებშიც მსოფლიოს ხუთგზის ჩემპიონი-რომან რურუა აღიზარდა, დღესაც ამბობს, რომ მერვე კლასელი ლანა დავითის ასული სართანია 54-58 კგ წონით კატეგორიაში საქართველოს ჩემპიონის ტიტულს ისაკუთრებს „კუდო“-ში. ეს გამარჯვების კვარცხლბეკზე წარმატების ათვლის ნათელი წერტილია.

სსიპ მარტვილის მუნიციპალიტეტის მუხურჩის საჯარო სკოლის ადმინისტრაცია, პედ-კოლექტივი და მარტვილის მუნიციპალიტეტის ხელმძღვანელობა ულოცავს ლანას ამ გამარჯვებას და უსურვებს უმაღლესი საფეხურების დაპყრობას.

მოსწავლეებს სკოლის დამთავრება მიულოცეს



მარტვილის მუნიციპალიტეტის მერიისა და მარტვილის საგანმანათლებლო რესურსცენტრის ორგანიზებით, კულტურის სახლის მიმდებარე ტერიტორიაზე სკოლის ბოლო ზარისადმი მიძღვნილი საზეიმო ღონისძიება გაიმართა.

ღონისძიებას მარტვილის მუნიციპალიტეტის მერი თორნიკე ჯანაშია, ჭყონდიდის ეპარქიის მიტროპოლიტი, მეუფე სტეფანე და საკრებულოს თავმჯდომარე ლევან სურმავა, სკოლის კურსდამთავრებულე-

ბი დალოცა. მასწავლებლებთან და მშობლებთან ერთად დაესწრნენ. მათ მოსწავლეებს სკოლის დამთავრება მიულოცეს და ცხოვრების ახალ ეტაპზე წარმატებები უსურვეს, მეუფე სტეფანემ კი კურსდამთავრებულები დალოცა.

სკოლის კურსდამთავრებულებისათვის გამართულ ღონისძიებაზე ახალგაზრდებისთვის იმღერა მუსიკალურმა ბენდმა „მარტვილი“, რის შემდეგაც სცენა DJ SHADOW-ს დაეთმო.

ნაჯახაოს გზის სარეაბილიტაციო სამუშაოები

მარტვილის მუნიციპალიტეტში საგზაო ინფრასტრუქტურის მოწესრიგება აქტიურ რეჟიმში გრძელდება - მიმდინარე სამუშაოები მარტვილის მუნიციპალიტეტის მერმა თორნიკე ჯანაშიამ მოადგილე გივი ელიავასთან და საკრებულოს თავმჯდომარის მოადგილე კობა დარჯანიასთან ერთად დაათვალიერა.

ნაჯახაოს ადმინისტრაციულ ერთეულში, საავტომობილო გზის სარეაბილიტაციო სამუშაოების ფარგლებში, 2 759 მეტრზე ასფალტის საფარი იგება. როგორც მერმა აღნიშნა, პროექტი ხელს შეუწყობს მოსახლეობის კომფორტულად გადაადგილებას.

სარეაბილიტაციო სამუშაოები საქართველოს რეგიონებში განსახორციელებელი პროექტების ფონდის და ადგილობრივი მუნიციპალიტეტის მხარდაჭერით ხორციელდება და მისი ღირებულება 1 566 937 ლარს შეადგენს.



ბრძოლა აზიურ ფაროსანასთან



ფაროსანასთან ბრძოლის მართვის ცენტრის წარმომადგენლებმა დაგეგმილი ღონისძიებების და სამოქმედო გეგმის შესახებ ისაუბრეს.

მარტვილის მუნიციპალიტეტში აზიური ფაროსანას წინააღმდეგ ბრძოლის ღონისძიებების ფარგლებში, აქტიურად მიმდინარეობს

მარტვილის მუნიციპალიტეტის მერიაში აზიური ფაროსანას წინააღმდეგ დაგეგმილ ღონისძიებებთან დაკავშირებით შეხვედრა გაიმართა.

შეხვედრაზე, რომელსაც მერის მოადგილე გივი ელიავა და მერის წარმომადგენლები ესწრებოდნენ, სურათის ეროვნული სააგენტოს აზიურ

„მოიზიდ და გაანადგურეს“ სადგურების განთავსება. მონიტორინგიდან მიღებული შედეგების საფუძველზე ჩატარდება ადმინისტრაციული ერთეულების ტერიტორიების დამუშავება თერმული ნისლისა და ცივი შესხურების მეთოდით.

შეხვედრა წვევამდელთა საკითხებზე

მარტვილის მუნიციპალიტეტის მერიაში, წვევამდელთა ეროვნულ სამხედრო სამსახურთან დაკავშირებულ ცვლილებებზე, საინფორმაციო შეხვედრა გაიმართა.

შეხვედრაზე, რომელსაც მარტვილის მუნიციპალიტეტის მერის მოადგილეები ალექსანდრე ხურცილავა და გივი ელიავა, მერიისა და საკრებულოს წარმომადგენლები ესწრებოდნენ, წვევამდელთა ეროვნული სამხედრო სამსახურის ვადებისა და პირობების შესახებ სამხედრო განვებისა და რეკრუტირების სამეგრელო - ზემო სვანეთის და გურიის რეგიონული ცენტრის უფროსმა, ვიცე-პოლკოვნიკმა კახაბერ ინალიშვილმა, მისმა მოადგილემ, ცენტრის სერჟანტმა და მუნიციპალური განყოფილების ხელმძღვანელებმა ისაუბრეს.

კანონმდებლობის თანახმად, 2025 წლიდან წვევამდელთა შერჩევა ყოველწლიური შემთხვევითი შერჩევის პრინციპით ხორციელდება, ხოლო სამხედრო სამსახურის გავლა შესაძლებელია მხოლოდ საქართველოს



თავდაცვის სამინისტროს სისტემაში. წვევამდელთა ეროვნული სამხედრო სამსახურის პირობებია:

საბრძოლო ქვედანაყოფი – 6 თვე, ანაზღაურება 765 ლარი;

საბრძოლო მხარდაჭერისა და საბრძოლო უზრუნველყოფის ქვედანაყოფი – 8 თვე, ანაზღაურება 635 ლარი;

უმცროსი სამეთაურო თანამდებობა და წინასწარ განსაზღვრული სპეციალობით სამსახური – 11 თვე, ანაზღაურება სერჟანტებისთვის - 1275 ლარი, ოფიცრებისთვის - 1530 ლარი.

წვევამდელთა ეროვნულ სამხედრო სამსახურში საკუთარი სურვილით ნასულ პირებს 30%-ით მეტი ოდენობის ანაზღაურება დაენიშნებათ.

შეხვედრა კითხვა-პასუხის რეჟიმში წარიმართა.

„თითოეულ ბავშვს ხარისხიანი ადრეული განათლება!“

საბავშვო ბაღი არის ინსტიტუცია, რომელიც ბავშვის აღზრდისა და განვითარების პროცესში ასრულებს მეტად მნიშვნელოვან როლს. ის ორიენტირებულია ბავშვის, როგორც ინდივიდის, დამოუკიდებელ პიროვნებად ჩამოყალიბებაზე, რასაც ხელს უწყობს მისი საგანმანათლებლო პროცესში აქტიურად ჩართვა.

თითოეულ ბავშვს ხარისხიანი ადრეული განათლება!-ეს არის ადრეული ან/და სკოლამდელი აღზრდისა და განათლების დაწესებულების მთავარი მიზანი. სწორედ, ამ მიზნით მიმდინარე წელს დაიწყო სკოლამდელი დაწესებულებების ავტორიზაციის პროცესი, რომელიც ითვალისწინებს საქართველოს მთავრობის 2023 წლის 21 თებერვლის N-76 დადგენილებით დამტკიცებული „ადრეული აღზრდისა და განათლების ან/და სკოლამდელი აღზრდისა და განათლების დაწესებულების ავტორიზაციის სტანდარტებით“ გათვალისწინებული მოთხოვნების შესრულებას.

განათლების მინისტრის 2024 წლის 19 აგვისტოს ბრძანებით დამტკიცდა „ადრეული აღზრდისა და განათლების დაწესებულების ან/და სკოლამდელი აღზრდისა და განათლების დაწესებულების სახით მოქმედი იურიდიული პირების ავტორიზაციის გავლის განრიგი და კერძო სამართლის იურიდიული პირის ფორმით დაფუძნებული ზოგადსაგანმანათლებლო დაწესებულების მიერ სკოლამდელი აღზრდისა და განათლების პროგრამის/სასკოლო მზაობის პროგრამის განხორციელების უფლების მოპოვების განრიგი“. აღნიშნული ბრძანების შესაბამისად 2025 წელს საავტორიზაციო საბავშვო ბაღებს შორის პირველ ეტაპზე შეირჩა ა.ა.ი.პ.-„მარტვილის მუნიციპალიტეტის სკოლამდელი საგანმანათლებლო-სააღმზრდელო დაწესებულებათა ცენტრი“-ში შემავალი სამი (დიდი ჭყონის N-1, ბანძისა და ხუნწის) საბავშვო ბაღი.

2023 წლის 21 თებერვლის საქართველოს მთავრობის N-76 დადგენილებით დამტკიცებული „ადრეული აღზრდისა და განათლების ან/და სკოლამდელი აღზრდისა და განათლების დაწესებულების მიერ ავტორიზაციის გავლის, აგრეთვე დაწესებულების ავტორიზაციის შეჩერებისა და შეწყვეტის დროებითი წესი“-ს შესაბამისად დადგინდა ადრეული აღზრდისა და განათლების ან/და სკოლამდელი აღზრდისა და განათლების დაწესებულებებისთვის ავტორიზაციის ოთხი სტანდარტი. აღსანიშნავია, რომ პირველი სტანდარტის შესაბამისად ფასდება დაწესებულების ინსტიტუციური განვითარება, რომლის მაჩასათებლებიც გახლავთ: მისია, ხედვა, ღირებულება, სტრატეგიული და სამოქმედო გეგმები. მეტად მნიშვნელოვანია ორგანიზაციის განვითარების პროცესში დაწესებულებამ უზრუნველყოს როგორც დაინტერესებულ მხარეთა ჩართულობა, ასევე, შემუშავებული განაცხადების საჯაროობა და ხელმისაწვდომობა.

ავტორიზაციის პირველ სტანდარტთან შესაბამისობის უზრუნველსაყოფად ა.ა.ი.პ.-„მარტვილის მუნიციპალიტეტის სკოლამდელი საგანმანათლებლო-სააღმზრდელო დაწესებულებათა ცენტრი“-ს დირექტორის ბრძანებით შეიქმნა სამუშაო ჯგუფი, რომელმაც შეიმუშავა დაწესებულების მისია, ხედვა და ღირებულება. განისაზღვრა დაინტერესებულ პირთა წრე, რომელსაც შენიშვნებისა და წინადადების მიღების მიზნით პრეზენტაციის სახით წარედგინა შემუშავებული დოკუმენტაცია. პრეზენტაციას თან ახლდა საინტერესო დისკუსია დაინტერესებულ პირთა მხრიდან. დაინტერესებულ მხარეებს კი წარმოადგენდნენ მშობლები, საბავშვო ბაღის პერსონალი, მარტვილის მუნიციპალიტეტის მერიის, ადმინისტრაციული ერთეულების, საჯარო სკოლებისა და სამედიცინო სფეროს წარმომადგენლები.

საინტერესო მსჯელობისა და მოსაზრებების მოსმენის შემდეგ ჩამოყალიბებულია დაწესებულების მისია, ხედვისა და ღირებულების საბოლოო ვერსია. ა.ა.ი.პ.-„მარტვილის მუნიციპალიტეტის სკოლამდელი საგანმანათლებლო-სააღმზრდელო დაწესებულებათა ცენტრი“ საჯაროობისა და ხელმისაწვდომობის მიზნით თითოეულ დაინტერესებულ მხარეს უზიარებს დაწესებულების მდგრადობისთვის საჭირო სამ მნიშვნელოვან ელემენტს.

ჩვენი მისიაა ბავშვის ინდივიდუალური უნარების, შემოქმედებითი პოტენციალისა და ინკლუზიის გათვალისწინებით სკოლამდელი განათლების ეტაპზე საფუძველი ჩაუყაროს თავისუფალი, დამოუკიდებელი აზროვნების მქონე და ზოგადსაკაცობრიო ღირებულებების მატარებელი ემოციურად და ფიზიკურად ჯანსაღი პიროვნების/მოქალაქის ჩამოყალიბების პროცესს, რომელიც მომავალში მარტივად შეძლებს სოციალიზაციას.

ჩვენი ხედვაა თანამედროვე ტექნოლოგიების, ფორმებისა და მეთოდოლოგიის გამოყენებით უახლოეს ხუთ წელში სამეგრელო-ზემო სვანეთის რეგიონში შევქმნათ კოლექტივის-ბავშვი, აღმზრდელ-პედაგოგი/აღმზრდელი, მშობელი-ლია ურთიერთობის საუკეთესო სისტემა.

ღირებულება *შიგარგანიზაციული პრინციპების, მორალური და ადმინისტრაციული წესების დაცვა;

* მუდმივი ზრუნვა პიროვნულ და პროფესიულ განვითარებაზე;

* გუნდურობა;


* კონფლიქტების ეფექტური მართვა;

* ზრუნვა პერსონალის ნახალისებაზე.

ა(ა)იპ მარტვილის მუნიციპალიტეტის სკოლამდელი საგანმანათლებლო-სააღმზრდელო დაწესებულებათა ცენტრი. დირექტორი ირმა ბაბისონია



გენადი ნანავას ხსოვნის საღამო



მიმდინარე წლის რვა მაისს მარტვილის კერძო სკოლა „სხივში“ ჩატარდა უნიჭიერესი შემოქმედის, გულმხურვალე პატრიოტის, უდიდესი ინტელექტუალის, ეროვნული მოძრაობის თვალსაჩინო წარმომადგენლის, კარგი ოჯახის მამის, კარგი მეგობრის

გენადი (გენა) ნანავას ხსოვნისადმი მიძღვნილი შემოქმედებითი საღამო. საღამოს ესწრებოდნენ გენადის ოჯახის წევრები, საზოგადოების წარმომადგენლები, მარტვილის მერიის გამგეობის წევრები, გენადის მეგობრები, საღამოს შორეული რუსეთიდან ჩაერთო გენადის მეგობარი და თანამებრძოლი, გენადის ლექსთა კრებულის გამომცემელი ზურაბ გალდავა. სკოლა „სხივის“ მოსწავლეებმა ნიკა წულაიასა და ოთო დანელიას თანადგომითა და მონაწილეობით წარმოადგინეს გენადის ლექსებზე შექმნილი ლიტერატურული კომპოზიცია. დამსწრე საზოგადოების წინაშე წარსდგნენ და გენადის შემოქმედებასა და ცხოვრებაზე ისაუბრეს გენადის მეგობრებმა ელგუჯა ჯგერენაიამ, მურმან ნონორიამ ნუგზარ მონიავამ, ილია კუხალაშვილმა, მურად ჩარგაზიამ,


ქალბატონმა ლია გულორდავამ, ეროვნული მოძრაობის ერთერთმა წარმომადგენელმა მარტვილში თენგიზ სურმაგამ. გამოითქვა სურვილი, რომ გამოიცეს გენად ნანავას ლექსთა განახლებული, სრულყოფილი კრებული. დამსწრე საზოგადოებისა და ოჯახის წევრებისგან მადლობა დაიმსახურეს ამ ღონისძიების ინიციატორებმა და განმხორციელებლებმა ბატონმა დავით ჯიქიამ, ბატონმა ალბერტ ხუნწელიამ და სკოლა „სხივის“ პედაგოგიურმა კოლექტივმა.

P.S. როგორც მკითხველი შეამჩნევდა, ეს არის სქემატური ანგარიში შემოქმედებითი საღამოსი, თუმცა გენადის ცხოვრებასა და შემოქმედებაზე, უპირაწილი შეიქმნას უფრო სრულყოფილი ლიტერატურული წერილი.

ილია კუხალაშვილი

მე არ ვწერ ლექსებს... მე ფეოქსას გულის გამხელ ქაღალდზე ქართულ ანბანით, დამსჯეთ მუზის კვლავ სიუყვარულით და ჰოეზიის ზღვაში გამხანეთ. რა მქვს სათქმელი კრიალს ზეცის და სისხლით მორწყულ მიწის ჭარბიკაცს, მქვს ნოეიერი ძლიერი ფეხვი, ვდგავარ დიდგორთან, ვდგავარ კრწანისთან. ვადიდებ ცოტნეს, შალვას ბიძინას, ელიზბარს და ბერს, გმირს ჩვენს თევდორეს, კისაც საფლავში დღესაც არ სძინავს, კინაც სძალს უქნევს ეგვლა მედროვეს. ვფიცულობ დავითს, თამარს, ერეკლეს, შოთას, ილიას, ვაჟას, ჯაკაცს, მძებს ოპიზარებს, არსაკიძის მკლავს, ნუთუ არ გესმით სისხლის რაკრავი. მე არ ვწერ ლექსებს... მე ფეოქსას გულის გამხელ ქაღალდზე ქართულ ანბანით, დამსჯეთ მუზის კვლავ სიუყვარულით და ჰოეზიის ზღვაში გამხანეთ.

გენადი ნანავა



ანა ბახია

ფილოლოგი. ამჟამად მუშაობს სსიპ მარტვილის მუნიციპალიტეტის სოფ. მუხურჩის საჯარო სკოლაში ქართული ენისა და ლიტერატურის მასწავლებლად. ბავშვობიდანვე ეწევა შემოქმედებით საქმიანობას, არის ლექსების კრებულის „სულს ჩაესახა რძისფერი დილა“ ავტორი. დღეს შემოგთავაზებთ მის ახალ ლექსებს, ავტორი მთელი თავისი გულწრფლობით ეფერება თითოეულ სტრიქონს.

ჟღალი ფერის თმით გამოჩნდა გოგო, ზღვის ტალღა ტანზე შემოხვეოდა, ცრემლით დანამულ ლამაზ თვალეზე ვატყობდი, დარდი შემოსჩვეოდა... ცას რომ ახედა, უფერულ ღანვებს, ჩრჩილივით,, სჭამდა"უგულო ფიქრი, ზღვა კი, ცდილობდა ეკოცნა ვნებით და სიყვარულში ჩაუდგა ჯიბრით, ,,იისფერ სიზმრებს" აჰყვა და გაქრა, გოგონა არა- გულის ქაღალმერთი, სამყარომ, ასჯერ,, შეცვალა ფირი", მხოლოდ შემოგვრჩა ის... ერთადერთი...

მე... ტაძრის კართან დაგელოდები, დაგელოდები... იმედით სავსე, შენ... დაივანებ სულის ფარეშთან, შორი-ახლოდან...

ვიქნებით ასე- ივლი, „მოზოჭავ“ სასურველ ნამებს, გაიათკეცებ „ჩაკირულ“ ლელვას, რა ეშველება ამ სიჩუმეში, შენ და ჩემ შორის გაჩენილ „რევანშს“?!

... ვიყავი გუშინ და... დღესაც მე ვარ, ზოგისთვის ისე-უბრალოდ, მზე ვარ...

როგორ აყვავებულა ჩემს ეზოში ნუში, ამიხდინე პირობა, რომ მომეცი გუშინ, უკვე დიდი ხანია-მზე შემოდის გულში და, ხარების მადლია, რომ „მაცხუნებს"სულში... ცაზე სავსე მთვარეა, „ შევერცხილილი" მთვარე, მოთმინებით გვეწვევა,, გაბრწყინდება"მაღე, ათასფერად სიზმრებით გვენაზება ღამე,

გასახარი მოყვები, საიმედო რამე, დამავინწყე ის ფინთი, რაც ვინვნიე გუშინ, მომიტევე, ჯობია, სევდის განცდით ნუ მსჯი, „იასამნის სურნელი ამიყვავე სულში...

როგორ გარბიან წლები, ქარს მიჰყვებიან თითქოს, თუ მოვასწარი რამე, მე კი ამაზე ვფიქრობ... შემოდგომის დღეს ჰგვანან დაფერებული ძღვენით, თუკი ვყოფილვარ ოდეს, ოდნავ „ბრძენი" ან „ქველი", „მთვარის უბეში"ვეძებ, ჩამესმის „წელთა როკვა", აგერ ვილაცამ,,მსუყედ", ჩვენს ბავშვობაზე მოყვა; ნისლივით მოსჩანს ის რაც, უმანკო ბავშვებს გვსურდა, ცხოვრებამ რაც კი გასცა, თუ დავუბრუნე,,ხურდა", იქნებ, მოვბოჭე გულში, ჩემი სიკეთე ,თუნდაც...

ცამ,, ჩამოუშვა ფარდა ცრემლების", წარსულს რომ ჭუჭყი კვლავ ჩამოჰბანოს, შენ რა გაშინებს, რამ აგაღელვავა, ალბათ ავდარმა-პატარა ქალო, იქნებ ოდესღაც

„ნალრძობი გული"დღეს- წვიმის წვეთებს აჰყვა სიმღერით, გაიათკეცო იმედი უფრო, ამისთვის,ნეტა,ახლა ვინ გდევნის. წვიმის უხილავ,შეუცნობ „ჰანგებს მხოლოდ მე ვხდები, ჩემსავით ცივა, რაც იყო გუშინ „რომ გავიზარდე“, შევიგრძენ, დღეს ის სულაც არ მტკივა... და ამიტომაც „ვენდობი" წვიმას.... 26.05.2025

ისევ მენატრება ნაზი გაზაფხულის, მარტის სიანცე და მარტის „თავხედობა", ჩუმი ატირება, უცხოოდ ცვლილებები, გულში გარდატეხა, თუმცა... არ მეტყობა... მე, მარტს არ ვენდობი ისიც- არ მენდობა... 16.03.2025

„ჩაკბეჩილ ლოყას" იმშვენებს მთვარე, სიხარულისგან ვარსკვლავიც როკავს, დღესავით თეთრი, მშვიდი აჩრდილი, „ცრემლით ინამებს", სიყვარულში რომ,წილი აქვს... ცოტა... და ამას ისე „განიცდის გულში", ცდილობს,გაანდოს,,უტიფარ ღამეს, რასაც ვერასდროს ვერ გააბრწყინებს, სწორედ,ამ ტკივილს უამებს მთვარე...

ჩანაწერები მეგრული გვარის ისტორიისათვის

პრეფანია

ე რ ქ ე ა ნ ი გუთნის სახელურია,ასე ჰქვია მას ქართულად და მეგრულადაც. სწორედ ამ ერქვანზე ჰქონდა მუდამ ხელი ჩაჭიდებული იმ სოფელს გლეხ-კაცს(გუთნისდედას), ვისაც მიწის ხვნით გაჰქონდა თავისი ცხოვრების მძიმე ჭაპანი.

აქ არ შეიძლება უნებურად არ გაგახსენდეთ ილიას ცნობილი სტრიქონები ლექსიდან "გუთნისდედა":

მამ რა გაღონებს, გასწი ჭაპანსა და გაიტანე გუთანი ბოლოს, ნუ უღალატებ ძველ ამხანაგსა, ის შენ აცხოვრე, მან შენ გაცხოვროს. ეს ის დრო იყო, როცა სოფელში ტრაქტორი და სხვა რამ ტექნიკა საერთოდ არ არსებობდა და გლეხი კაცი მიწას ხარ- გუთნით ამუშავებდა. ვისაც გუთანი ჰქონდა და მასში შესაბამელად ხარებიც ჰყავდა, ის შეძლებულ გლეხად ითვლებოდა.

სწორედ ასეთი შეძლებული მიწის მუშა ანუ გუთნისდედა იყო, ალბათ,ერქვანია-ათა ის წინაპარი,ვისგანაც გადმოეცათ მათ შთამომავლებს გვარი ე რ ქ ე ა ნ ი ა.

ერქვანია მცირერიცხოვანი გვარია. სულთა რაოდენობის მიხედვით სამეგრელოში სულ 102 ერქვანია ცხოვრობს(აქედან ზუგდიდში-3,სენაკში-5,ფოთში-15,მარტვილში- 65,ხობში-14).

ერქვანები სამეგრელოს გარდა ცხოვრობენ აგრეთვე თბილისში და ჩვენი ქვეყნის სხვადასხვა მუნიციპალიტეტებში.

მთლიანად საქართველოში მათი რაოდენობა 199 სულს შეადგენს.

ჯოჯუა

ჯოჯუა მრავალრიცხოვანი გვარია. ზოგიერთი მკვლევარის აზრით ეს გვა-

რი მიღებულია საკუთარი სახელიდან ჯოჯო.

მაგრამ არსებობს სხვა ვერსიაც.

აქამდე არსად დამიწერია, მაგრამ მახსოვს, ამ გვარის ერთმა საკმაოდ ხანდაზმულმა წარმომადგენელმა, რომელიც ყოფილი პედაგოგი იყო, მითხრა:

- გვარი ჯოჯო ა მიღებულია მეგრული სიტყვიდან ჯოჯო, მართალია ამ სიტყვას დღეს საუბარში არავინ ხმარობს, მაგრამ ის შეგიძლიათ მოიძიოთ ლექსიკონებში... მეგრული, მოგეხსენებათ უმწერლობო ენაა, ამიტომ თანდათანობით ბევრი სიტყვა დავიწყებას ეძლევაო- აქ მან მცირეოდენი პაუზა გააკეთა,ეტყობოდა გულწრფელად განიცდიდა იმას,რაც თქვა,და ისევ განაგრძო თხრობა:

- ჯოჯო იგივეა, რაც ჯონჯი და ნასხლავს ნიშნავს. ჩვენ, კოლხები,მოგეხსენებათ,ვაზის კულტურის წარმომოში ხალხი ვართ...როგორც გადმოცემა გვეუბნება,ის ჩვენი წინაპარი,ვისგანაც მივიღეთ ეს გვარი,მევენახე კაცი ყოფილა,ვისაც ვაზის მოვლა-მოყვანის თავისებური მეთოდებიც ჰქონია.მაგალითად,თუ სხვა მევენახეებს ვაზის ნასხლავი ტოტები ვენახიდან გაჰქონდათ და წვავდნენ,ის ჩვენი წინაპარი ამ აჭრილ ტოტებს (რასაც მეგრელები ჯოჯო ვეძახდით), პატარ-პატარა ნაწილებად დაჭრიდა და ვენახში მწკრივებს შორის ყრიდა.ამბობდა,როცა დაღუპება,ვაზისთვის მეტად საჭირო საკვებად გადაიქცევაო... გადმოცემა გვეუბნება, რომ იმ კაცს სწორედ ამის გამო მეტსახელად ჯოჯო შეარქვეს (ეს სახელი დადასტურებულია აკაკი ჭანტუიას ნიგნშიც-" მეგრული სახელები და გვა-

რები"), საიდანაც შემდეგ მივიღეთ გვარი ჯოჯო უ ა (ჯოჯი-ჯოჯა- ჯოჯუა).

- მე ეს ჩემი წინაპრებისგან გამიგონიაო- ასე დაასრულა მან თავისი ლეგენდა.

ლეგენდა კი არა,უფრო სწორად, ხალხში შემონახული ნამდვილი ამბავი,რომელშიც არაფერია დაუჯერებელი.

ასე რომ, თუ ამ ვერსიას დაუფიქრებთ,ჯოჯუების შორეული წინაპარი, ვისგანაც გაჩნდა მათი გვარი,მშრომელი მევენახე- მეღვინე კაცი ყოფილა.

ხოლო რაც შეეხება ამ გვარის ძირძველ სამკვიდროს, მიჩნეულია, რომ ჯოჯუების წარმოშობის ადგილი არის მარტვილის მუნიციპალიტეტის სოფელი ტალერი.

ცნობისათვის: დღეს მარტვილის მუნიციპალიტეტში ჯოჯუების 148 ოჯახი ცხოვრობს (აქედან ტალერში- 84, კურზუში- 20, დიდიჭყონში- 17, სალხინოში- 6,ქ. მარტვილში- 4,ბანძაში-5, ვედიდკარში- 3,თამაკონში- 3, ლეხაინდრაში- 1, გაჭედილში- 1, სერგიეთში- 1, ნახუნაში- 1, დომაყეში- 1,კი-ნიაში- 1).

სულთა რაოდენობის მიხედვით საქართველოში სულ 3164 ჯოჯუაა (აქედან ზუგდიდში- 276, სენაკში-339, ფოთში- 91, მარტვილში 443, ხობში- 40, ნალენჯიხაში-32, ჩხორონწყუში 73, აბაშაში-108, სამეგრელოს გარდა თბილისში და სხვადასხვა რეგიონებში- 1762)

გეგია

გეგია ეპონიმური გვარია, რომელიც წმინდა გიორგის სახელს უკავშირდება.

გეგია წმინდა გიორგის მეგრული სახელია ისევე,როგორც ჯეგე და გეგე.

ჯეგე, გეგე, გეგე და გეგე პოპულარული სახელები იყო ძველ სამეგრე-

ლოში.მშობლები შვილებს ამ სახელებს წმინდა გიორგის პატივსაცემად არქმევდნენ.აკაკი ჭანტუიას ნიგნში-" მეგრული სახელები და გვარები" პირდაპირ დადასტურებულია ადამიანის საკუთარი სახელი გეგე.

სავარაუდოდ,ეს სახელი ერქვა გეგეების იმ წინაპარს, ვისგანაც შემდეგ მისმა შთამომავლებმა მიიღეს გვარი გეგეია.

ცნობისათვის: დღეს მარტვილის მუნიციპალიტეტში სულ 39 კომლი გეგია ცხოვრობს.

სულთა რაოდენობის მიხედვით საქართველოში სულ 562 გეგიაა, სამეგრელოში- 206 (აქედან ზუგდიდში- 9, სენაკში-35,ფოთში- 15,მარტვილში- 103, ჩხორონწყუში- 2, აბაშაში-4).

ჩაგუნვა

ჩაგუნვა ადამიანის საკუთარი სახელია, რომელიც ადრე ფართოდ იყო გავრცელებული სამეგრელოში.

გახსენდებათ,ალბათ, ცნობილი ხალხური სიმღერა :

ჩაგუ მურსუ ამუსერი სასინჯოთუ ერჩინელი, ვერამ საქომონჯოთ მაფუ გორილი დო მერჩქინელი.

ჩაგუნვა კინობით - მოფერებითი ფორმაა ჩაგუნვა, რასაც ეძახდნენ, ალბათ, ჩაგუნავების იმ წინაპარს, ვისგანაც წარმოიქმნა გვარი ჩაგუნვა.

ცნობისათვის: დღეს მარტვილის მუნიციპალიტეტში ჩაგუნავების 42 ოჯახი ცხოვრობს (ტალერი-3, დიდიჭყონი-34, თამაკონი- 2, ხუნწი-2, ინჩხური- 1).

სულთა რაოდენობის მიხედვით საქართველოში სულ 620 ჩაგუნავაა,სამეგრელოში 163(აქედან ზუგდიდში-3,სენაკში-8, ფოთში -13,მარტვილში- 124,ხობში- 12,ნალენჯიხაში-1, ჩხორონწყუში-1, აბაშაში-1).

ფაუსტ ნაღარაია

რედაქტორი
ფაუსტ ნაღარაია

რედაქციის მისამართი
ქ. მარტვილი
თავისუფლების ქ. №10
ტელ: 591 25 69 10

გამომცემელი: არასამთავრობო იურიდიული პირი,
დაარსდა 2007 წელს
თავისუფალი პრესა